

明  
詩  
紀  
事

明詩紀事

貴陽陳田輯

辛籤

黎遂球 十二首

遂球字美周番禺人天啟丁卯舉人唐王立除兵部主事守贛州城陷巷戰死桂王時贈太僕寺卿諡忠愍晉贈兵部尙書乾隆中賜諡烈愍有蓮鬢閣集

二十六卷

萬時華既園集美周思以才靈學以才化識以才通語以才妙讀其詩覺有靈光異采在目光離合間榆墩集美周詩讀之如春風駘蕩夏雲崔嵬如坐百花雜聽簫韶美人劍客翻動左右廣東新語美周詩五古最佳有古俠士磨劍歌云十年磨一劍補血看成字字似仇人名難堪醉時祝結

容少年場云生兒未齊戶結客少年場借間結交時  
不數秦舞陽泣者高漸離深沈者田光醉者名灌夫  
美者張子房感恩思報仇相送大道旁其困守虔州  
臨危時擊劍扣絃高吟絕命有云壯士血如漆氣熱  
吞九邊大地吹黃沙白骨爲塵煙鬼伯舐復厭心苦  
肉不甜一時將士聞之皆爲之袒袒爭先淋漓飲血  
壯氣騰湧視死如歸以視李都尉兵盡矢窮委身降  
敵韋鞬椎結對子卿泣下沾襟相去何啻天壤哉美  
周又有花下口號云生平不事求神仙願上東海求  
仙船童男童女各三千教之歌舞及管絃逍遙行樂  
二十年遂令婿配同力田可得萬人馳九邊大雪國  
恥銘燕然老夫鬢眉圖凌煙結屋花國臨酒泉名儒  
俠客列四筵等閒詩賦人爭傳乞得一字十萬錢此  
篇子亦愛之是皆不失英雄本色他體彷彿西崑則  
傷於綺靡矣

田按塲東詩派自南園五子以逮黃才伯梁公質黎  
瑤石歐楨伯區海目皆諱風格未及靡曼至美周醉  
心大朝初唐乃爲輕豔之詞歌行短曲風致嫣然然  
時有壯健之篇此其超邁之性不泯沒於綺語治詞  
者也生爲詞伯死作鬼雄豈不偉歟

# 擬古

醉卧仰視天天星亦胡然卷舌能食人一卷百禍連壯士血  
如漆氣熱燒九邊大地吹白沙白骨爲塵煙鬼伯舐復厭心  
苦肉不甜生年只滿百見此良憂煎不如且行樂樂意誰能  
宣陌上多游魂紛來纏竹絃

寄懷徐巨源

可憐少殊色我輩如佳人傷春苦相念慰藉惟保身自從過  
子門相留坐明月得句如折花簪花爲梳髮猶恐外人看不  
似初離別離別幾何時春風吹柳枝新月照客牀不作蘇臺  
期前日有客來言子涉江水敢望不敢信吹簫待吳市昨夜  
有客還送子酒一石寄酒不寄書結言在疇昔碧水自悠悠  
炤花花不流還來與子期作賦同悲秋

莫愁曲

茸茸沙樹煙沙白高如山青山搖水動歡去幾時還葉黃有  
時綠搖櫓聲相續載夢過江來聽我莫愁曲身是江南人不  
見江南春春風吹裙帶拂起落花塵

中秋十七夜宋令申給諫招同陳藥亭吏部待月虎邱  
石上作

石洲聽泉冷銀瓶轉長綆美人發纖喉汲起霓裳影露垂髮  
簪重杯光墮金鳳三絃學人語四坐嘿如夢節短又聲長但  
覺吹微香賦風憐宋玉爲雨恨襄王

聶娘婉眉歌

并序

崇禎壬午賊出增江口肆擄掠有殊色聶五娘者賊

得之大喜因戲謂恨其眉未甚婉娘從容語曰女熊  
始掃眉若欲婉請假我刀刀得而刎寶安李于定夫  
爲詩旌之以寄黎子黎子感其意作聶娘婉眉歌和  
之

聶娘不用眉如柳雙劍玲瓏腦前後官兵斂手賊狂嘯娘舞  
長眉對之笑朱絃一夜芙蓉毀雲雨煨燼遠山委丈夫髭鬚  
總如此半尺垂虬掀不起紫石棱棱婉婉爾翠娥如鐵真男  
子白頭天姥惜飛光續命只有文中王從他鳥爪未肯禿更  
買黛螺千萬斛人生安能知死期癡情豔骨東風吹借娘眉  
鋒不斬賊先斬偷生巾幗兒

短歌行

酒酣月滿地爲君歌短歌願君漏壺箭刻作魯陽戈夏姬老  
矣羸女如何維南有箕維北有斗持播南山塵戰挹東海酒  
明明如月仙人見之腸斷絕嫦娥倩靈藥玉兔如春雪何不  
醉挾羅敷採扶桑燭龍移炤合歡床

慰梁非馨

爾明休便喪雙眼好逢人骨肉已看盡肝腸誰最親壁將明  
月立門掩落花貧只當長爲客艱難剩一身

無錫舟中偶成

過江纔幾日次第品新泉信宿山山翠餐眠事事仙香深花  
港月茶入竹橋煙覓得鐘聲寺呼童復繫船

雨夜懷徐巨源

高閣桐陰半雲浮山翠香經時枕詩卷率爾興琴張詞賦終  
難敵行藏各自商兵戈自天地搔首計應長

和劉安世園居

燕卽新堂乳鶯多隔水鳴鑿湖兼出石惜樹小添楹窗預圖  
秋色蕉堪種雨聲沙洲亭子路鷗席故須爭

揚州同諸公社集鄭超宗影園卽席詠黃牡丹

誰買長門作賦才守宮砂盡故徘徊  
燕銜落葉成金屋鳳蝕殘釵化寶胎  
三月繁華春夢熟六朝芳草暮霞堆  
上尊合賜詞臣閣邀賞還宜八駿來

廣東新語黎美周嘗客揚州於鄭氏影園與詞人卽  
席分賦黃牡丹七律十章已縞名殿最錢牧齋拔美  
周第一鄭氏以書報曰君已錄牡丹狀頭矣以二金  
疊資之其後美周過吳下人皆稱牡丹狀元



楊柳枝詞

參差楊柳又如齊二月雛鶯上下棲怪得多情青眼便春風  
常笑雨常囑

溪上晚步

餘杭城外石橋斜不見清溪道士家惟聽小姑聞唱曲茜裙  
臨水摘梅花

廊露十三首

露字湛若南海諸生桂王立以薦爲中書舍人 大  
兵下廣州抱琴死有嶠雅

廣東新語湛若爲人好恢諧大言汪洋自恣以爲其  
牢騷不平之志或時清談緩態效東晉人風旨所至  
輒傾一座至爲詩則憂天憫人主文誦諫若七哀述  
征之篇雖小雅之怨誹離騷之忠愛無以尙之

漁洋詩話願爾著嶠雅有騷人之遺音  
靜志居詩話湛若工諸體書學使者試士以恭寬信  
敏惠發題湛若制義五止用大小篆八分行草書于  
卷學使者大怪之然不罪也居恆以才畧自負見海  
內多事因學騎射跨馬出門衝縣令頭踏令怒申文  
學使者除其名將加以桎梏乃亡命之廣西遍尋鬼  
門銅柱舊蹟遊于岑藍胡侯槃五姓土司為猛女執  
兵符者雲輝媛書記歸撰赤雅一編紀其山川風土  
儀物及女君天姬隊歌舞戰陣之制家蓄藏真墨跡  
享帚千金素問業於香山何閭老吾騷閣老見而愛  
說不已湛若分手脫贈既而大悔挈舟抵香山升閣  
老之堂欲自掛梁上開老亟還之又蓄二琴一曰南  
風宋理宗宮中物一日綠綺臺唐武德年製明康陵  
御前所彈也出入必與二琴俱廣州城破湛若抱琴  
死綠綺臺為老兵所得以鬻於市歸善葉錦衣解百  
金贖歸至今存其家詩曰嶠雅手書閒雕極精楷  
嘗見其駢體文亦佳  
全祖望鮑琦亭集外編湛若先生大節不待言矣願  
其少時曾入阮大鍼之門大鍼文集湛若為之序稱  
門生焉蓋湛若少時好聲樂大鍼在留都羅而致之  
也非後來大節則湛若幾不免為奄人之徒人所以  
貴晚詣也湛若嶠雅係其手書閒雕古香可掬東莞

辛籤卷七

五

袁督師會於粵中邀贈謚非賡雅無以知之黎洲先生謂桑海諸公集可備詩史信夫明詩別裁湛若詩原本楚騷五言尤勝五言佳處全在氣韻不求工於語言對偶之間得此意可與讀湛若詩  
明三十家詩選湛若詩清曠超妙如月冷江空孤鶴夜警  
田按謝山謂湛若為阮大城門人余檢詠懷堂集良然崎雅中所稱石巢先生即謂阮也湛若大節自光天壤不得以此為累集中五言律具有謫仙意境如蘇門清嘯彷彿鸞鳳之音

張侍郎家玉

供奉天廟姿飛躍及犇馬雄秦誤索韓策漢動方賈義聲振  
龍荒號召遍區夏逐日功詎虧蹈海志迺寫俠骨斲馬革裂  
毗東城下

登九子

朝參九華雪莫宿九華鐘  
言尋金舍利行傍玉芙蓉  
雨腳移春殿雲衣挂亂峯  
悠然秋浦月來對海門松

西湖上春

行逢新歲月驕馬踏城橋  
旭日催蘅帶春人豔柳條  
香車流水擊僊袂逐風飄  
小鳳銜花去空傷雲漢遙

洞庭酒樓

落日洞庭霞霞邊賣酒家  
晚虹橋外市秋水月中槎  
江白魚吹浪灘黃雁踏沙  
相將楚漁父招手入蘆花

道明水望三十六峯

崇山道明水皦皦石潭清  
上有木龍樹歲蕤聞鳳聲  
開琴待明月月向清溪生  
三十六峯裏羣仙抗手迎

蔣陵送孫枝遊華嶽

相逢彭蠡月相失蔣陵鐘  
自別東林社君言西躡雍金天開  
太華玉井見芙蓉余亦汎滄海南山歸祝融

皖城謁石巢先生

披衣皖城口言就皖城坳  
辟世歸愚谷移山到石巢  
鶴林松露滴魚浦荻花交  
廡下聞清嘯長謠賦樂郊

杏花堰訪紫荂隱居

楓林二月雪雪霽問君家  
玉笈芝房氣銅陵杏花堰  
花更清溫出瀑筌迴鶴梯  
霞不注丹臺錄吾生信有涯

人日登粵王臺

登臺試人日此日謂宜人  
日照高臺色臺非故苑春  
青山白

雲路綠水流花津醉欲呼鸞去遙遙芳杜鄰

文選樓眺望

春風將柳色駘蕩入西樓遊子舉簾望宛如變女愁雜花開  
陌樹歸雁隔河洲京國浮雲外長江日夜流

姑蘇送雲將入雒

崇林秀春木歸馬激鮮飈濁酒不肯飲旅懷何處銷莫天吳  
苑樹明月雒城橋蕪絕尋君夢緱山碧玉簫

浮湘禮三閭墓田尋賈生故宅

浮湘孤月下靈渠牢落殘魂伴索居庚子日斜聞野鳥端陽  
沙渚見江魚天高未敢重相問年少何勞更上書此去樊城  
望京國定從王粲賦歸歟

後歸興詩 乙酉六月

南北神州竟陸沈六龍潛幸楚江陰三河十上頻炊玉四壁  
無歸尙典琴蹈海肯容高士節望鄉終軫越人嗟靈關儻擬  
封泥事回首梅花塞草深

陳子壯

十六首

子壯字集生南海人萬厯己未第三人及第授編修  
以發策忤魏忠賢削籍崇禎初起諭德擢少詹進禮  
部侍郎以言事下獄放還起故官未上京師陷福王  
立起禮部尙書桂王時進東閣大學士兼兵部尙書  
大兵克高明被執不屈死贈番禺侯諡文忠乾隆  
中 賜諡忠簡有練要堂集六卷秋痕集五卷

田按忠簡集有罪言云宗才改秩一事疏三易稿成  
乙亥十一月十六日親齋上時上修省齋居武英殿  
聽數日傳改票又數日傳有非祖問親欺罔忒肆字  
樣且下鄉帖延杖矣越二十六日奉旨宗室有文武  
才能考驗換職正宜公同詳議安確以聽裁奪陳于  
壯敢於非祖問親欺罔忒肆著革了職刑部問擬于  
擬席藥在寓聽擬政府使人謂曰昨疏入上改容推  
案此番殿旨可畏甯小心就獄不為屈辱毋甯輟強  
後悔無追也兒輩送入園門刑部初擬杖不准再擬  
徒得旨准配贖凡五閱月出獄時丙子四月二十四  
日也而唐王聿鍵先四日有疏參予議禮不合復啟  
故違格式反覆數千言欲構之重典幸放釋後二日  
奉旨陳子壯已經處分姑不究史傳云唐王上疏詆  
于壯遂除名下獄非其實也明亡後魯王以海與唐  
王聿鍵立於閩浙唐王聿錫又與桂王由榔割據於  
兩粵無異盤踞之爭雄而其間貞臣義士各為其主  
殺身沈族而不悔若公之與嚴野起兵攻廣州事雖  
不成其大節自磊落天壤公詩律絕聲情蘊藉詞曲  
亦婉麗動人

補沈休文憶詩



憶起時酣暈半不銷粧鏡直須倚鉛粉若爲調唯應憐夜夜  
乃復有朝朝

送何龍友太史還朝

攬水臨將發風流得雅裁美人明月夢仙吏白雲臺海鶴招  
琴曲江鷗勸酒杯濯纓清可聽不覺榜歌催

宿吳宏文湖上樓

秋風餘十度燕子爾輕過鄉思登樓減湖光下榻多花開雲  
母帳詩付雪兒歌自己遷延甚幽期更若何

南浦不泊

秋色何迢迢漚輕舫艤搖多爲名姓累遂畏友朋招霞鷺堪  
孤起風狔得並驕南州紛在望興寄一長謠

題綠珠祠

梧州

逝水徒傳金谷園荒山誰識綠蘿村生辭故井難銷貽命薄  
高樓敢負恩燕子頻來多總主杜鵑啼斷爲招魂憑君一和  
輿儂曲自有人將孤笛翻

送劉牛舫大司空總督河道

殿殿新高面拜除轉咨臣計重河渠蛟龍始識園陵在鴻雁  
終招澤國居棠蔽東人更竹馬葭明章曲自櫓車可知職貢  
千艘入不礙飛流九派如

九日

講殿陰移得暫閒養盤節宴已先頒憶家夜損三秋夢傳蹕  
朝登萬歲山獨馬微風沙帽著斷鴻新月菊枝慳清時易許

論勲業消受光榮一醉顏

送董思白大宗伯加太子太保予告馳驛

帝念先朝有秩宗班階流輩盡雲從近傳宮保歸黃髮遙望  
天人問赤松楊柳青門看祖道桃花春漲憶吳淞纖塵拌不  
隨清夢還傍東華五夜鐘

題水月菴

觸熱逢人自不勝閒寮茗飲當敲冰失途時現抽衣寶袂濟  
渾如禁足僧蟬引一絃凡響寂柏臨雙蓋妙香凝亦知過去  
皆漚幻莫話從頭有葛藤

胥江曲二首

削竹青青作挽長竹條雖小挽須強峽口灘高耶斷挽胥口

離深憊斷腸

三水西南舟已遲不知郎去定迴歧  
聲聲山鷓行不得日日江頭歌竹枝

美人操琴

梧桐入戶淨琴張玉軫輕移已叶商  
一曲還應神女聽無人知道楚明光

五日珠江曲

琵琶洲上載琵琶碧玉粧成自小家  
樓船裏面籠珠翠亦學鄰舟叫買花

留春詞

霸國江山錦作堆一春無恙幾登臺  
木棉花落嗚山鷓歌舞

欄前許再來

賞花詞二首

脈脈含情望阻修風光到此伴清遊誰言不敢思公子能寫  
花枝一段愁

匡床斗帳淨無塵小有花枝逐節新幾處花飛不成醉眼前  
看醉賞花人

陳邦彥

三首

邦彥字會份廣州順德人隆武乙酉舉人除監紀推  
官遷兵部主事桂王立擢兵科給事中起兵守清遠  
城陷被執不屈死贈兵部尚書乾隆中賜諡忠烈  
有雪聲堂集十卷

靜志居詩話巖野僻居嶺南與黎美周歐子建陳喬  
生以文章聲氣遙應復社卒殺身成仁其南上草自  
序云商音曼歌慨當以慷亦各言其志也又臨命歌  
云書生漫談兵時哉不我與君子誦其詩而悲之  
田按公子恭尹述公行狀明史據此作傳事實完備  
此史家所以貴採家狀也公殉節時走清遠朱氏園  
題詩於壁曰平生報國懷深望斷西方好音已共  
宏化碧還同屈子俱沈又曰戀闕孤懷盡懸絲一命  
微負傷如未覺無淚不須揮魚晚艱貞血水爲賻  
衣祇應魂氣在長繞玉階飛書畢赴池水淺不死檻  
車致之廣州死於市

丁亥仲春余歸自嶺右暫憩鄉園讀杜工部秦州雜詩

因次其韻

物產川原盡生涯寇盜間無愁應岸柳不改是春山古戍饑  
鳥集江村乳燕還未須愁遠道多恐淚痕斑

薄遊

極目楓林外故園安在哉山川曾有約秋半未歸來  
暝色千峯雨江聲萬壑雷薄遊仍度峽鄉夢莫輕催

西征雜詠

名園春事動招尋一騎蕭蕭細雨侵最愛草亭西畔路玉蘭  
花發石潭深

梁朝鐘三首

朝鐘字未央番禺人崇禎壬午舉人唐王弟聿錫浮  
海至廣州朝鐘等擁戴立除檢討再遷祭酒事敗死  
乾隆中賜諡節愍有喻園集

蘭谿取道入斬水與都護汪祥麟偕有懷熊心閒總理  
幾年石室雨一半畫蘭谿此日看山色春風憶馬蹏麥漂橫

水渡花落廟前泥征戰何時盡林深倦鳥棲

送周仲謨遊海北

夏景行將及扁舟向雁湖舊城秦郡縣新綠漢莓蕪野戍春  
雲在離亭落月孤故山秋色好須待插茱萸

海珠寺

南漢城邊菰葉落流花橋下水趨東煙籠碧樹春分後月浸  
寒江子夜中潮上石沈僧語歇笛殘人去蠟燈紅分明一幅  
蓬山景吹入鵝潭影自空

張家玉 一首

家玉字玄子東莞人崇禎癸未進士改庶吉士唐王  
時擢侍講以右僉都御史巡撫廣信桂王立進兵部



尚書兵敗投水死贈少保武英殿大學士吏部尚書

增城侯謚文烈有名人山西征燕山三集

王夫之南窗漫記東莞張太史家玉以全髮起義兵敗墮馬而卒家人刻其軍中遺藁有詩近百首唯記其一聯云真同喪狗生無賴縱比流螢死有光田拔立子先迷後得卒能死節君子諒之

舟中月夜

渺渺長江水接天帝京西望轉凄然金戈鐵馬無甯土錦纜牙檣有戰船離亂烽煙叢此日風流簫鼓換當年誰堪舊日長安月多照平沙白骨邊

明詩紀事

貴陽陳田輯

**辛鑑**

朱繼祚 一首

繼祚字立望莆田人萬厯己未進士改庶吉士授編修歷中允諭德庶子少詹事遷禮部侍郎以病去起南禮部尙書福王時召拜故官未赴唐王立進東閣大學士魯王監國舉兵應攻取興化城破死之乾隆中 賜謚忠節

自靖錄莆田縣鄉紳朱繼祚以協理詹事府禮部尙書還閩拜相閩潰題其杜曰臣罪當誅生奚補死奚遲故國舊君安在帝臨有赫身可灰家可燼周頑殷義若何招審戶王士玉等數千人據興化府入覲監

辛鑑卷八

國魯王於海中 大清兵攻城將破賦絕命辭曰嗟  
予生兮不辰逢慘禍兮攬身乾坤崩潰兮陸海為塵  
日星掩晦兮萬象沈淪人誰無死兮鵠毛泰岳惟其  
所處兮殤延彭促且夕畢命兮去將安之夫妻子母  
兮不得相依上告蒼天兮鑒此微詞雖為齏粉兮安  
之若節千秋萬古兮誰其子知與化俱徂兮於戲噫  
噫城破被執不屈同子汝極死之  
田按天啟六年魏閣擅權羅織正人特修三朝要典  
其總裁為顧秉謙黃立極馮銓副總裁為施鳳來楊  
景辰孟紹虞曾楚卿纂修為徐紹吉謝啟光余煌朱  
繼祚張紳華琪芳吳孔嘉吳士元楊世芳凡與斯舉  
者士論不齒立望雖官通顯累以修要典為清議所  
持罷去晚能死節人之所以貴晚蓋也余煌亦以死  
節傳

### 恩假旋里感賦

供直綸扉十月餘平章底事竟何如久知歇後推鄭五敢謂  
辭榮附二疏到處烟塵驚旅夢故園花竹漫安居出師未捷  
身先病慚愧埋頭老蠹魚

張國維一首

國維字玉笥東陽人天啟壬戌進士除番禺知縣擢  
刑科給事中進禮科都給事中遷太常少卿以右僉  
都御史巡撫應天安慶十府進工部侍郎總理河道  
改兵部兼督淮徐臨通四鎮兵拜本部尙書以事解  
職下獄尋復官督江南浙江兵餉福王立召令協理  
戎政加太子太保魯王監國進少傅兼太子太傅兵  
部尙書武英殿大學士師潰投水死乾隆中 賜諡  
忠敏有玉笥剩稿

重遊白雲洞

不到幽巖十五年昔遊猿鳥尙依然流泉訴別鳴還咽盤石

標貞亢且堅池上醒眠青眼放鬆間醉倚白頭妍晚尋歸路  
層雲鎖便與山靈訂後緣

張肯堂一首

肯堂字載寧松江華亭人天啟乙丑進士除清縣知

縣徵授御史遷大理寺丞以右僉都御史巡撫福建

唐王立拜吏部尚書加太子少保魯王監國加太傅

東閣大學士舟山不守自經死乾隆中賜諡忠穆

自靖錄魯王監國駐蹕舟山肯堂與沈宸荃並相舟

山陷其門生中書蘇兆人闔門自縊肯堂義之爲之

下拜而殯焉遂服蟒袍南面坐視其妾周氏方氏姜

氏畢氏暨姐媳沈氏孫女茂漪皆縊死一女投荷池

死卽題絕命辭云虛名甘載著人間晚節空勞學國  
閒漫賦歸來慷慨節聊歌正氣續文山君恩未報徒  
憂瘁臣道無虧在克艱寄語千秋青史筆衣冠二三  
莫輕刪乃北向叩首自縊於霜交亭

田按張蒼水奇零草有輓張鯢淵相國詩云一身真  
可繫危安垂死威儀尚漢官魂返黃墟應化碧顏留  
青史卽還丹千秋共惜遺金鑑十載何慚戴鐵冠也  
識公歸箕尾上定依日月倍芒寒紗籠姓字迴無瑕  
晚節何如五柳家欲報君恩餘白髮祇留相業在黃  
麻樓空燕子從風墜門冷龍孫帶雨斜一自墨胎歌  
斷後華亭鶴唳更堪嗟垂死威儀尚漢官蓋紀其臨  
難時蟒袍就縊樓空燕子從風墜蓋紀其諸姬同殉  
也

九日同僚佐登大伾山卽事

筍輿到處卽山家霜葉微紅欲作花結伴入林皆惠遠清譚  
出世總烟霞月明交映藤蘿合醉步多忘石徑斜此夕幽尋  
不成寐城烏曉曙復朝衙

張煌言 五首

煌言字玄箸鄞人崇禎壬午舉人魯王監國授行人

賜進士加翰林院編修擢右僉都御史進兵部右侍郎桂王立加兵部左侍郎兼翰林院學士進本部尙書大兵平滇南散遣部曲進居懸壘被執不屈死于市乾隆中賜諡忠烈有奇零草十二卷冰槎集四卷

徐孚遠集玄箸之詩其氣昌明而宏偉其辭瞻博而英多蓋明堂之圭璧清廟之寶鏞也三岡識畧紹興張君煌言仕魯藩周旋海島二十餘年後知事無成散遣部曲入普陀爲僧至是就擒賦詩見志曰海島從橫二十年孤臣心事意茫然桐江空繫嚴陵釣霞澤難回范蠡船生比鷗毛猶負國死留碧血欲洗天魯戈莫挽將頽日敢望千秋青史傳諸將重其義欲降之不可且曰予窮海孤臣豈知今日而復改節耶詞氣慷慨至死不屈識與不識莫不流涕南雷文定三集宋明之亡其傳之忠義與不得而傳者非他代可比就中險阻艱難百挫千折有進而無

退者則文文山張蒼水兩公爲最  
姜宸英湛園未定棄公自督師未嘗受強藩節制及  
九江漸還漸有掣肘始悒悒不樂而死避卒至門忽有  
也自製一棹實槓其中誓報盡而死避卒至門忽有  
二猿跳躑哀鳴牽裙泥之公乃毅然出就執既被羈  
會城遠近人士下及市井屠販賈餅之兒無不持紙  
素至羈所爭求翰墨守卒利其金錢喜爲乞求公隨  
手揮灑應之皆正氣歌也嗚呼天地晦冥風霾晝塞  
山河失序而沈星隕氣於窮荒絕島之間猶能自出  
其光發以爲有目者之悲喜而幸觀雖揜抑於一時  
要以俟之百世欲使之終晦焉不可得也  
點琦亭集外編尙書詩古文詞皆自丁亥以後才華  
橫溢藻采繽紛大畧出華亭一派華亭陳公人中爲  
節推於浙東行其教尙書之薪傳出於此及在海  
徐都御史閻公故與人中同主社事而尙書壬午齊  
年也是以尙書之詩古文詞無不與之合嗚呼古來  
亡國之大夫其音必淒楚鬱鬱結獨尙書之著述增  
博大含鍾應呂儼然承平廟堂巨手一洗亡國之音  
豈天地間偉人固不容以常例論耶當是時以蠲  
熬背爲金湯以鮫人蟻戶爲丁口風帆浪楫窮餓零  
丁而司隸威儀一綫未絕遺臣故吏相與唱和其遇  
雖窮其氣自壯斯其所以爲時地之不能囿耶



田按明社之屋久矣公猶以殘兵支撐於天涯海角之間訖二十年艱阻崎嶇百折而不悔嗚呼烈矣史不立傳蓋有待也至乾隆四十一年得與獎忠之典通謚忠烈仁矣哉

### 贈盧牧舟大司馬

自昔公爲兵使者於時我作上書人鑑湖一曲皆棠樹碧海  
重逢並葛巾劍氣終當開日月履聲早已傍星辰并州正有  
來蘇望忍說桃源可避秦

### 輓朱聞玄少宰

極目烽烟黠鬣毛聞關已識義難逃黍離社稷無薪膽草昧  
朝廷有節旌自許孤忠遺海岸人悲敗事失山濤臨風不盡  
招魂賦那忍重看舊佩刀

沈彤菴閣學艤舟南日山遭風失維不知所之雖存亡

未卜余猶望其來歸也

昨夜驚濤勢轉雄孤帆何處御長風沃焦不信膠舟解博望  
初疑銀漢通欲問馮夷愁莫應儻成精衛恨何窮袖歸當有  
支機石豈遂騎鯨向碧空

弔沈五梅中丞

香臺咫尺渺人琴萬里寒潮送夕陰報國千年藏碧血毀家  
十載散黃金名山難瘞孤臣骨潮海空磨戰士鐔留得荒祠  
姓氏古春歸惟有杜鵑吟

張書紳與范子瞻論余十餘年來戎馬勞苦孤危以詩  
見贈讀之悵然因次其韻

相業侯封非我望伯圖王業向誰論可憐節在旄全落獨恨

交亡劍尙存上客攝衣空有缺孤軍裹甲已無禪也知戈朽  
難回日誓死何妨絕影奔

馮京第一首

京第字躋仲慈谿人僑寓鄞唐王立授兵部主事改  
監察御史魯王監國擢右僉都御史進兵部侍郎被  
執不屈死有篋谿集

續甬上耆舊詩集馮公少負高才諸父都御史元颺  
兵部尙書元颺世所稱大小馮君東林之巨子也公  
內承二父之教出則師事張山漳浦兩先生退而與  
復社諸名士上下其議論四方士子來謁大小馮君  
必先登公之堂公爲之次第其姿詣而甲乙之以進  
之二父之前其有失者都御史撫津門有牆子嶺卻  
故功公豫其勞毅宗錄之尙未及用公將從津門大  
興屯田募勇士於膠萊金復等地自成一旅以爲神  
京捍衛其所壘已數千頃而北都亡南都奄禍大作  
公不復入南中乃遊於閩而南都又亡閩人奉唐王

稱制公上中興恢復十二論召對陳擲聲徹殿陛思  
文大奇其才授職方主事已而改監察御史按浙南  
入浙而浙東陷閩亦隨亡公集慈水諸大俠將起兵  
而爲大兵所捕乃跳身入潯州潯州爲威虜侯黃斌  
卿所守浙東之未入版圖者也是時大兵雖定江  
南而吳中豪傑出沒太湖皆以潯州爲外援尚書陳  
公子龍輩說松江提督吳勝兆來歸而以帛書告潯  
州欲得一軍應之斌卿竟不欲往富平伯張名振時  
在石浦與公善公勸之行乃刻期以往至崇明颶風  
覆舟沈侍郎延揚死之公等皆被執中途得逃歸潯  
州而松江以失期事洩俱被戮斌卿本志在自守而  
名振之軍盡喪公鬱鬱無可計事者乃至日本乞師  
不得又責斌卿令以奇兵西略甯紹台三府會鄭之  
董給事志寧華職方夏楊推官文琦以帛書連衡李  
侍御長祥王職方翊而欲借潯州之師應之乃告公  
公大喜強斌卿從蛟關入一日爲謝三賓所告城中  
有備長祥翊志寧亡去夏等死斌卿遽引還公益鬱  
鬱不懌乃之湖州時太湖尚未靖而公起兵於天目  
山中大擾歸安烏程諸縣尋敗復歸四明乃募溪上  
義從與王職方翊合軍守杜鼎大兵以團練兵破  
之職方走天台公匿山中職方以天台之兵至公亦  
振旅出復合軍守之時戊子之冬也明年監國自閩

中至建跳所發使晉公都察院右僉都御史是冬再  
乞師日本卒不得還後與王職方合營於西山之同  
風洞中初公以華董之故刊章大索大吏遂以其事  
聞詔取家屬之京公太夫人尹氏年高夫人葉  
氏聞有徒燕之報微言勸以自裁毫不甚省夫人嘆  
曰婦無事不當聽命於姑至今日難守此小諒矣夜  
半投閣不死強起縊而死大帥又戮公子頌以脅公  
公仍不至太夫人遂徒燕道卒又得所寄妾於他所  
令作書招公妾曰頭可斷書不可作即作亦保公不  
降也監國再加公兵部右侍郎公憑依空山偕大  
兵百餘戰雖無成績然亦屢挫大兵庚寅公麾下  
親將王昇私約降械公於灌頂寺支解死

### 寄李研齋

在昔慚溫嶠於今恨趙苞國仇與家難都逐礪灘潮

### 錢肅樂一首

肅樂字虞孫一字希聲鄞人崇禎丁丑進士除太倉  
知州徵授刑部員外郎魯王監國加太僕少卿歷右

僉都御史右副都御史兵部右侍郎晉東閣大學士  
贈太保吏部尚書諡忠介乾隆中 賜諡忠節有集

二十卷

田按魯王監國江上驕將專權紹璫干政政亂於上  
民困於下蠻觸爭衡闕於一隅忠介上疏言國有十  
亡而無一存民有十死而無一生識者早知其事之  
無成矣錢公徒以舊國遺臣支撐天墜卒至憂憤以  
觸枕絕食而死悲夫

孤雲

孤雲無意緒獨挂山之峯聖賢尙神化轍迹友蛇龍鳥道八  
千里闌山一萬重吾其奈何哉恍耳空聞鐘

陳函輝 六首

函輝初名煒字木椒改名後字木叔臨海人崇禎甲

成進士除靖江知縣福王立起兵部主事魯王監國

擢太僕卿進兵部侍郎兼侍讀學士江上師潰入天

台雲峯寺自縊死乾隆中 賜諡忠節有寒光集三

卷

自靖錄函輝擁戴監國魯王擢太僕寺卿福建詔使  
至浙東諸臣皆思奉詔函輝獨上魯不臣唐疏衆議  
不合督輔張國維在江上聞之力主函輝說事乃定  
未幾遷侍郎奉監國命聯絡溫台江上師潰自書年  
譜後云徐陵五願惟誓出家文城山七歌尙思殺賊函  
輝得死所矣魯王入台州府城駐蹕聞警欲避入解  
門衛函輝哭入天台山雲峯寺在僧湛明處作自祭  
文七七自懺文埋骨記乃賦詩別親友云廉泉同義  
魄萬古在禪林故國千行淚孤臣一寸心深山空有  
恨異日或相尋身後遙爲託應懷鍾子琴又賦絕命  
詩十首其一云生爲大明之人死作大明之鬼笑指  
白雲深處蕭然一無所累其二云父母恩無可報妻  
兒面不能親落日樵夫湖上應憐故國孤臣其三云  
子房始終爲韓函輝生死爲魯赤松千古成名黃藥

寸心獨苦其四云斬盡人間情種獨留性地靈光古  
衲共參文佛麻衣泣拜高皇其五云去年六月廿七  
虛度一年世法但嚴心內春秋莫問人間花甲其六  
云慧業降生文人此去不留一字惟將子孝臣忠貽  
與人間同志其七云臣年五十有七回頭萬事已畢  
徒慚赤手擎天惟見白虹貫日其八云手著遺文千  
卷尙存副在名山正學焚書並出所南心史難惻其  
九云今日爲方正學前身是寒山子徒死尙多抱慙  
請與同人證此其十云敬發徐陵五願世作高僧誦  
眷魂遊寰海名山身到兜率院設筆令僧遶屋誦  
經從容寫以被帶自經死  
田按寒山五古質慙有元道州遺意近體近纖近俳  
多爲公安派所染令靖江日頗好內以風流作仙令  
名士悅傾城自居卒能死國殆亦如文山早近聲色  
晚殉大節者耶其赴選早朝詩云聖主正當陽銳意  
垂衣被狹小前哲章皇皇專求治求治疑太急求賢  
或太遽有君而無臣識者共嗟喟三塲隙初兆十漸  
幾旋備外皆河北賊內猶紛羅織雷霆失其時肅霜  
轉詔諱反開告密風投壓紛羅織雷霆失其時肅霜  
殺羣并昨聞下陳蕃今見逐賈誼此十數語均中思  
陵之失所謂如燭照數計者



馬馱沙

一名驥渚有小引

靖自吳大帝時始成洲蓋閩人蕃牧之地故名驥焉  
相沿立一墩守之成化七年始改縣直可謂草昧建  
侯耳燿捧檄來是中簡書可畏也瘠土可懷也惻而  
作詩

良牧不病芻良馬不愛秣朽索馭天下一方慎宰割邦本民  
之心釐舉皆厥末孤城荒草深近市艱作活十年蛋君都支  
祈挾旱魃石畚半禮凶窮戶死搜括寡嫗路旁嘯誅求老圉  
康青青子襟子五月猶被褐奉命長島中下車增慘怛委吏  
與乘田何以副審估既愧宓子堂敢歌召公芟安靖矢素心  
先祛衆譏聒良族共此庖鉛刀效一銛神駒起渥洼千里亦

騰越

守官 有小引

燁承乏荒江不半年所而更調之檄數至豈真以令  
也才不過欲遺之艱大試厥盤錯駑馬負鹽車而登  
太行伊可慮也賴靖之士紳父老遮道留使君如申  
包胥哭於秦庭諸當事念其籲呼得允所請予愧獎  
借於上卧拔於下不素餐兮何以畀之乃作是詩

張官如置器唯其所布之一民亦難狃而況荒島黎尸位鬼  
有責曠鰥魚將噬格哉先哲訓弗以小不爲靖雖五十里土  
瘠俗久疲哀鴻正在野駭鱷未遠移十室九罄懸揮涕靡寸  
裨穀絲環相迫瘡肉痛獨貽今自莅茲土疾苦詢叟耆祇有

安靖心弊祛福可祝廉吏拙自守謫才陋更宜父老信其上  
自我歌居居先世清白譜輒畏人所知不謂芻狗質誤受丹  
鉛推題材於鑿下顧驚以齧踈終歲檄五至艱大相加遺短  
綆而深汲覆餗欲貽誰尺書馳長吏長跪三致辭士故各有  
志守官敢自欺況從去秋後孱軀困吏離胸旣藏二豎鬚復  
織兩絲以此勵臣朔五斗甯樂飢百姓敦親長亦復戀恩私  
願言借寇君卧轍且築碑仁風旣再見古意殆未漓庶幾少  
罪戾兼以永撫綏三徙名豈成將無類奕棋當路賴知我慨  
然堅執持自今矢初志或不泣路歧

閤悔

高閣在荒郊主人夕鏑鏹杖策偶問奇清風滿林薄鳥無城

郭音人解塵寰縛顧視而樂之橫琴命獨酌河朔敢自詡取  
意避煩虐不如北窗人游神友寥廓羲皇去已遐陶令不可  
作三逕日就荒秫田空負郭豈是饑來驅而爲一官瘼鑄鐵  
凡幾州到底不成錯請讀歸來辭悟者何今昨

丹陽晚泊

江魚分饌野菱香澤國秋來苾袂涼斷岸有雲依小舫孤帆  
隨雨宿前莊漁歌唱晚茶初熟雁影書空字幾行因過丹陽  
懷古謁肯教皮陸霸詞場

送李端木還茗上

島外風光似夜郎清時隨牒類投荒沙痕一曲紆村郭漁市  
三家倚夕陽豈有酒樓眠太白過聞驛騎召賓王漢皋亦只

須臾事解珮偏留話柄長

河西新聞

忽思湖上宅蘇白二公堤放鶴孤山下梅花隔水西

詹兆恒一首

兆恒字月如永豐人崇禎辛未進士除甌寧知縣徵授南御史福王時擢大理寺丞進本寺少卿唐王立拜兵部侍郎攻開化兵敗死於陣乾隆中賜諡忠烈

靈壁道上

姹女如雲蠟板歌月明輕棹泝迴波只今隄上青青柳曾見當年綵纜過

吳鍾巒一首

鍾巒字峻伯一字穉山武進人崇禎甲戌進士除長  
興知縣謫紹興照磨遷桂林推官福王時授禮部主  
事唐王立進員外遷廣東副使未赴魯王監國拜通  
政使擢禮部尙書大兵下甯波入孔廟積薪自焚  
死乾隆中賜諡忠烈

鮑琦亭集外編吳公弱冠讀王文成公傳習錄悅之  
顧端文公講學東林執經從焉又遊高忠憲公之門  
而所宗主者爲孫文介公之困思鈔年未三十已據  
嶽稱人師門下江陰李忠毅公應昇其最著也崇禎  
甲戌成進士年五十有八矣知長興縣與諸生講學  
從之者如雲奄人崔璘巡視鹽糧守令見之蒲伏公  
獨不往及以公事見長揖不屈璘怒太守亦怒中以  
蜚語削籍既罷官卽有投老之意宜興再相頗以延  
攬清流爲事遣所知道意公笑曰公爲山巨源請容  
我爲嵇叔夜公爲富彥國請容我爲邵雍夫甲申間

國難絕而復醒曰吾友馬素修必死矣已而果然公  
積士大夫多失節乃作十願齋說其一日吾願子孫  
世爲儒不願其登科第其二曰吾願其讀聖賢書不  
願其乞靈於西竺之三車其終曰吾願其見危授命  
不願其偷生事仇舟山師潰公曰昔者吾師高忠憲  
公與吾弟子李仲達死關難吾爲詩哭之吾友馬君  
常死國難吾爲詩哭之吾門生錢希聲從亡而死吾  
爲詩哭之吾子福之倡義而死吾爲詩哭之吾老矣  
一旦疾病死何以見先帝謝諸君於地下哉公至文  
廟右廡設高座積薪其下捧先師神位舉火自焚賦  
絕命詞曰只爲同志催程急故遣臨行火浣衣時年  
七十有五

聞李仲達訃寫哀

落落心期在悲吟寄大招迷離南北樹凄斷去來潮黨禍今  
何烈清風古不遙應知首陽側孟博已相邀

楊文瓚一首

文瓚字贊玉鄞人崇禎己卯舉人魯王監國授御史

起兵事洩死於市乾隆中賜諡烈愍

拜正學先生祠

一死貞心天地知  
龍山崇建報忠祠  
嘯鵠十族甘爲血  
扣馬千秋更有碑  
落日平原埋舊恨  
凄風古木積新悲  
遺編未泯猶堪讀  
哭向蒼天問所私

林尊賓一首

尊賓字燕公莆田人崇禎壬午舉人唐王時授兵科給事中  
大兵下興化死之有雁園集

蘭陔詩話燕公從朱季岡起兵及興郡城破燕公具衣冠坐廳事作絕命詩別其兄師入大呼曰我給諫林尊賓也速取頭顱去遂見殺

南山行



南山起雲北山起電孤身中央不知其變解一平村落虎四鄰

伐鼓雖則伐鼓不如伏弩解二河水淫淫人知其深下有游魚

上有飛禽解三風雨蛟龍以類相從鳴鳳無陽不如寒蛩解四東

園種瓜西園種麥澆石生苔何時可摘解五

林洵一首

洵字習修東莞人諸生與張家玉起兵事敗死之

寄門人張芷園閣中

聞君江上擁旌旄共羨書生膽氣豪家學舊傳黃石略漢恩  
新賜紫貂袍一身許國風霜苦半壁支天汗馬勞此日艱難  
知不惜沙場麟閣屬吾曹

明詩紀事

貴陽陳 田輯

辛籤

天  
下  
民  
圖

鮑琦亭集外編跋明崇禎十七年進士錄  
有明一代之局者也高皇帝三百年放鏡  
帝十七年夢卜之誠於是乎燿是科以邊警阻隔貢  
士之副計車者不能前詔書特改試期於秋仲倥偬  
釋褐未及題名太學而國已亡通州閣學由庚辰進  
士第二不三年遽大拜又驟越同事三井研已賜歸  
學主省試蓋遭遇之最隆者鼎湖之役井研已賜歸  
徘徊闕下偕通州蒲伏賊營以遭戮辱而相傳是科  
館選流賊密令山西巨商主之凡求讀中祿者巨商  
即招致之為納賂於宦者無不得及城陷牛金星大  
言曰新翰林尤宜速報名諸人始悟前此來招致者  
之為賊也內負疚而外畏禍遂巡而出盡汗偽命第  
一甲三人無論已三十六庶常不得免者三十四鳴  
呼是館閣未有之恥也以是知君子之守身必無可  
黃緣幸進之理而當時苞苴之詭如此亦不可謂非  
亡國之君矣予嘗得流賊所授降臣官簿一冊頗與

辛籤卷八下

諸野史所紀不同金壇周鍾以勸進撰表得檢討最  
幸夷陵黃燦納貨五千得編修華亭朱積引見同年  
得檢討西鄉楊棲鸞得直指豐城史垂譽化李呈  
祥並得禮儀從事嘉善魏學謙得戶司務晉江楊明  
煨得順天安撫晉江張元琳得關門防禦遂平魏天  
賞得兩淮運副東莞張家玉大興史可程懷甯劉餘  
模真定梁清標安福劉肇國山陰魯栗昆明龔鼎祥皆  
城李化麟晉江王九雲會稽王自超新喻萬發祥皆  
以庶常留館下此則盡改爲縣令南昌羅憲汝得遷  
安番禹劉廷琮得內江麻城傅學禹得長安杞縣何  
詹光得井陘陽城白肩謙得南鄭渭南高珩得襄陵  
兼縣張端得仁壽項城趙頴得大名武陟得華陰崇德  
曲沃清苑張元錫得武功張家玉不克入朝捕至不拜  
吳爾壘得蒼溪就中惟張家玉不克入朝捕至不拜  
端門者五日釋之遂投書喻賊賊又臨以刃不動賊  
必欲授以官家王忽遜詞受之入皆疑焉不知其以  
此乘間而逃也萬發祥則爲耳聾且毀面賊怒夾之  
亦逃去吳爾壘詐爲將之任者得逃其後家玉列於  
增城最烈發祥殉關爾壘殉江都蓋三十四人中於  
之孤鳳也魏學謙亦終死要不失爲晚蓋其餘則皆  
已矣幸得不預者二人達州李長祥其後問關戎行  
累起累蹶事敗行遜不知所終最稱完節而其亦

不終散官則全椒吳國龍得待詔宜興吳剛思得禮  
儀從事清苑王爾祿得戶從事無錫秦忻得禮司務  
井研胡顯得中書常熟歸起先得西京留守經厯安  
邑呂崇烈得屯田防禦鄞縣徐家麟得山東防禦涇  
陽武傑得淮陰防禦安邑王道成得青州防禦宛平  
楊墩得濟甯令津江程玉成得山西學正而如吉水  
國鼎得濟甯令津江程玉成得山西學正而如吉水  
鍾性樸之降於路者尙不在此數焉鼎程源再亂  
慎中鳴呼有明中祕禮絕百僚而甲科亦最重於流  
輩一時喪亂士失所守竟懷壤至悲夫南中解尙  
書學龍再定六等逆案傳聞不其有據如家玉孫之詳  
反誤入之而得脫者甚多後世將何所信焉子之  
錄而不諱也殆以爲百世之戒雖或觸孝子慈孫之  
恨而不恤也雖然莫謂是科之人止此也澤州孟章  
明隨其父刑部侍郎兆祥殉京師清苑張羅俊與弟  
光祿卿羅彥殉保定三原石崑以倖狂死南中之亡  
歟縣凌駟殉河南孟津陳燦殉洛陽鄞縣周志畏殉  
江都無錫龔廷祥殉江甯江都梁于浹殉萬安崑山  
顧咸建殉錢唐其起兵者掖縣劉允浩殉建昌溧陽  
史夏隆殉吉安烏程溫璜殉休甯華亭李待問殉華  
亭嘉定黃涪耀殉嘉定宜興盧象觀吳江吳易殉太  
湖而長洲劉曙亦以謀起兵死閩中之亡江都鄭爲

虹殉仙霞廣安歐養素南昌熊緯殉汀州行營晉江  
郭符甲殉晉江其守贛而死者京山楊文薦錢唐姚  
奇眉南昌黃藻而休甯吳聞禮殉永豐南昌周定祜  
殉廣信浙東之亡吳江汪景亮殉三衛海甯俞元良  
殉海甯錢唐徐復儼殉會稽監國魯王入閩莆田林  
峴海甯湯葵殉興化侯官林奎殉福清而閩縣林之  
蕃亦以謀起兵死粵中則山陽朱日昇家居以通表  
事洩死孫賊之難嘉定羅國猷殉虔南晉江郭承汾  
殉貴陽而宜興吳貞毓亦以孫賊死滇中之亡廣安  
鄧思廉殉緬甸其遜入海島而死終不食周粟者慈  
溪馮元鵬同安沈佳期嘉興譚貞良也此外如雲南  
楊永言會稽余若水青浦張若義山陰金廷詔鄞縣  
周齊曾餘姚李安世遂甯呂潛嘉善錢默順天李孔  
昭皆固守殘山剩水之所飲泣也觀於後此四十餘人  
亦足以雪死者之恥矣

吳易  
五首

易字日生吳江人崇禎癸未進士福王時授兵部主  
事監史可法軍募兵屯長白蕩唐王立授兵部侍郎

進尚書兼都察院右副都御史魯王監國封長興伯

師敗被執死乾隆中賜諡節愍有東湖倡和詩

自靖錄甲申三月京師陷五月南都立君久之而不  
問爲先帝討賊易遂發憤與同邑舉人孫兆奎諸生  
沈自驥沈自炳武進吳福生徐安遠輩舉兵旬日  
間得水師千餘人屯於五湖三洲間出沒旁近諸縣  
轉戰互有勝負既而援絕勢孤且兵皆烏合不堪大  
戰夜潰易父承緒妻沈氏女吳氏等全家赴水死易  
僅以身免乃收集散亡與浙東爲聲援以梅敷之捷  
連晉顯要丙戌六月浙東亦潰易乘小舟遁去匿嘉  
善錢氏園中爲仇家所執解浙江不屈作詩數章意  
氣自若死於武林之草橋門年三十五無子義僕周  
孝相依不去同邑友人包捷瘞其遺骸  
百城煙水東湖草堂在柳胥吳日生易所居與史弱  
翁趙少文有東湖三子唱和集  
靜志居詩話敬禎之間風雅浚替古風尤置不講日  
生奮跡松陵誦六公詠原本杜老入哀之作是時第  
知臥子有起衰之功然臥子豐縉日生戍削各有其  
長

辛巳秋七月觀漕船臨發紀異

往年漕船制過洪必三月今年七月秋漕船始見發撫時興  
萬慮國命心所切荒哉久紆滯觸眼重驚惕東南四百萬仰  
給須旦夕吁嗟支兌廢運道直如髮清淮隔會通黃流此中  
截洪波挾濁沙巖巖苦衝沒呂梁平徐城厥勢更險絕譬之  
馴虎豹時復被吞齧避黃全用汶羣議得長策穿泲達夏鎮  
新河乃加開駱馬後復通兩朝見底績所未開石滌事便功  
易掇安流洵無虞失防在枯喝汶勢誰最高南旺爲之脊北  
分白衛入南引沂泗接泉湖相輔佐湖六泉三百封遏使其  
贏所以時蓄洩纔時正全盛神人兩安悅桃花汎春瀾銜尾  
萬艘捷暑盡事云竣中秋動歸楫當茲風潦清迴帆想超越

胡爲阻江干牽挽方拮据吾聞秋冬交水工急挑刷湖陂久  
淤澱泉源爭盜竊故視不盈掬經川盡焦圻河臣初經綸盡  
瘁毀心骨人功匪不賊適此天行厄岱宗意如何牲璧忍衰  
歇回空旣守凍冰泮始搢搢及乎抵水次春徂夏已迫強半  
壅不來官差捉船隻此鄉同亢旱草樹代魚麥斛米數千錢  
蒼生苦貴糴軍旗志豈靈咤叱恣狼藉仰維軍國憂孰敢愛  
膏血伏願道路平飛送到京闕羣盜滿中原青齊暗長戟孤  
懸止一道何以禦倉猝臨發意無憑鼓聲雜鋒鏑軍船旣傍  
徨民船尤慘戚傷心述祖制四倉何絡繹豈獨備非常兼規  
數年積漕事凡五變經始平江伯是法祖劉晏富強垂石書  
臨徐宿重兵況可杜萌隙簡練得其人護漕皆勁卒輓輸疾



無時夫何患淹格近譏復海運所懼非漂溺出淮鑿膠萊取  
道良徑帖襟喉委榛莽此計無乃拙自今霜月涼冉冉青楓  
赤遂巡忽後時千里增冰雪安得傾天河懽笑歌利步川竭  
古所誠廟堂有調燮

東湖雜詩三首

大澤千年在英雄一戰場魚曾出古戟燐火聚顏塘沙走三  
江白風驅百瀆黃怒濤東到海流恨總興亡

浩蕩晴波遠森疏古岸秋沙明矜獨鶴風澹悅羣鷗此日五  
湖長浮雲萬戶侯臨淵尋片石真欲老披裘

柴門間獨嘯史趙日經過四海煙塵半三人涕淚多富強書  
共論出處事如何爲歎龐公隱仙雲掩薜蘿

亞父冢

河決川原幾變更高邱何事獨崢嶸五陵王氣銷煙草玉斗  
千年恨未平

楊文薦一首

文薦字幼宇一字又如京山人崇禎癸未進士除南  
兵部主事唐王立遷兵科給事中以右僉都御史巡  
撫南贛加兵部侍郎守贛州城陷被執絕粒死乾隆

中 賜諡忠節有茗溪集

自靖錄楊文薦以兵部武選主事入闕改兵科給事  
中丙戌五月奉使湖廣道出江西適座主萬元吉督  
師贛州留與協守題陞巡撫文薦歎曰誰非王臣忍  
使吾師獨爲君子乎吾當死此矣日夜登陴積勞成  
病十月城陷被執不屈執送南昌提督解其縛曰  
公宜識時務毋徒自苦爲也文薦曰吾受命撫贛贛

亡則吾當死毋多言斷吾頭懸轅門以謝讎人絕粒  
數日嘔血數升丁亥元旦強扶下榻南向哭拜一痛  
而絕

西湖竹枝詞

殘夢驚心睡起遲春情春雨惱花枝  
畫樓無限傷心事都在湖邊十二時

易本煥雲杜故事京山楊文薦西湖竹枝詞蓋南都  
已覆公由浙入閩時所作也公所著聽湘集久佚其  
僅存者京山志二詩及此耳

萬發祥一首

發祥名養正以字行新喻人崇禎癸未進士改庶吉  
士唐王立授編修兼兵科給事中大兵下贛州殉難  
死乾隆中賜諡烈愍

自靖錄萬發祥崇禎癸未進士同凌駟陳燦吳易山  
吳忠節公麟徵之門甲申申遇國變間關南旋寓居吉  
安賦哀哀吟以見志丙戌在贛州死之

### 寫懷

煮字難爲歲棲山且有身燕驚春事老豺虎世途屯中夜嚴  
天告窮年望俗淳公主如可用先事席儒珍

### 溫璜 一首

璜初名以介字于石烏程人崇禎癸未進士除徽州  
推官城陷自刎死乾隆中 賜諡忠烈有寶忠先生

### 遺集十二卷

靜志居詩話溫公少孤母陸孺人鞠之破屋一間無  
帷帳姑仇病且餓同坐臥一板箱種火煨粥以爲食  
教其子讀書姑卒孺人哀毀如子天啟七年公請於  
有司問於朝詔旌其節孝又一十八年而公成進士

年六十矣司李徽州聞國難恒引佩刀歎曰此身當  
付汝及城破先殺其女寶德次殺其妻茅妻女皆延  
頸就死乃自刎公初名以介注名復社第一集不以  
兄在相位見擯於清流後禱夢於于忠肅祠夢忠肅  
語之云子不當名以介宜更曰璜遂更焉陸孺人著  
有家訓行于世  
鮎埼亭集外編公於體仁落落而闊訟事則頗不以  
復社之言爲當方南都以防亂揭逐阮大鍼公曰阮  
大鍼爲真小人錢謙益則僞君子真者易知僞者難  
測斯人得志卽小臣亦當裂麻爭之  
田按寶忠集中有見聞偶錄一卷皆爲體仁昭雪之  
詞又書家少師六表序文章理學節義功業之類不  
一而足皆爲誣罔之言此可謂不知天下有公是非  
也其涉世偶錄有云天下事儘有逃遁不得便可立  
地決絕挺起脊梁掀着鬚眉濟不濟落得轟轟烈烈  
此其行能踐言守徽州而死難也一節千秋豈不諒  
哉

獨立

壇坫滿天下吹氣與雲通鳳鳥莫與匹抱潔懷孤桐人世尙

膠結獨立誰相容所不患矰繳慮其有物蒙  
譬彼鳬羅託纏擾同其凶狗謗莫非命君子省厥躬

楊永言一首

永言初名瀾字岑立昆明人崇禎癸未進士除崑山  
知縣流寇陷雲南巷戰死乾隆中賜諡烈愍

滇南詩略楊公哭莊烈帝詩云天步艱難可奈何九重無計起沈疴幸除閹寺滔天惡忍見滇他捲地波虛席求賢賢獨少禁人納賄賄偏多問誰專閫誰當軸致此秋風麥秀歌後四語明季之弊實亡國所由聲淚俱下

舟行

歸路迷芳草鄉思倍黯然詎期遊子權漫附使君船江繞青山曲心隨白日懸不堪停泊處涼月慘嘯鵑

梁于浹二首

于浹字飲光一字湛至江都人崇禎癸未進士福王  
時除萬安知縣城陷投水死乾隆中 賜諡節愍有

谷菴詩集

揚州府志于浹少有詩名與鄭元勳鄭爲虹等結竹  
西續社元勳影園開黃牡丹遠近後詩以番禺黎遂  
球詩第一于浹次之

小閣賞梅同許倩蘿餞送辟疆盟兄之衡永

新築茅堂貯風月雪後山花盡力發有意招君君忽來吞花  
臥雪真癡絕君來江上故多情萊蘋齊葉白芷生何事江頭  
不肯住十里晴煙散香霧鉤鉤潭邊竹樹幽胡不從君天上  
舟錦香和處輕離別玉壘高寒託寢修此番識得漫郎意欲

遣徐媛續春思妬花風雨不可期判誰護惜待君至

哭萬茂先

海内存聲氣遺骸爲爾收囊空書劍在人去詠歌留楓冷楚  
江月蘭推隋苑秋懷君存短什迸淚湧江流

李待問一首

待問字存我松江華亭人崇禎癸未進士除中書舍

人守松江城陷死乾隆中賜諡忠節

南吳舊話錄李舍人當松江將失守百戶某挽之日  
間君讀爛四書今日將安之舍人笑曰臣死忠古  
常事第下城與家一訣稍盡其私百戶曰君能如此  
我先斷頭待之泉下卽拔刀自刎死舍人憑尸而哭  
倉卒抵家少妾挽衣涕泗眾爭勸之逃舍人曰若一  
旦苟活夢寐何以對此老兵引繩自經氣未絕而追  
者至遂遇害

松風餘韻

舍人性嗜臨池遇筆墨無論精拙輒爲濡



染聲價與文敏埒

廣陵同鄭超宗諸子郊外宴集

並轡出春城春山帶郭明穿林遊展亂隔水麗人行有酒聊  
隨俗無營且樂生眼看車馬盡邱壑幾關情

林岫 三首

岫字小眉莆田人崇禎癸未進士除吳江知縣唐王  
立除禮科給事中興化破死之乾隆中 賜諡節愍

有螭棋集

十五國風高言集董蒼水曰小眉筆有靈氣胸無滯

藻蘭陵詩話小眉幼有神童之譽爲人磊落負奇氣從  
朱相國起兵及師敗被執在獄中草絕命詞三首嘔  
血數斗而卒其詩取法青蓮當時詩社中之巨擘也

越王臺

水國何年闕中央，鴛鴦臺靈苑不可見。遺迹白雲開，宮樹參天出。江帆逐霧來，至今秋色裏。環珮玉聲哀。

吳素求守紹興，念予安先生。新有西河之恨詩，以訊之。君到紹興，日鶯花作好春。此時探香舊我友，正風塵地下憐埋玉。人間恨積薪，無由一相慰。淚落白露巾。

江行

小港纔通市，孤亭不礙山。杜鵑啼竹外，別有巴陵灣。

石崖

一首

隆字長卿，一字映崑。三原人，崇禎癸未進士。聞北京破，不食死。乾隆中入祀忠義祠。

西安府志長卿少好騎射尤善古文詞癸未聯捷憤  
時政擬上書爲樞貴所退賊入秦曲沃李建泰督師  
長卿慨然請纓願復三邊自黃甫川渡河聯絡榆中  
靈夏建泰不能從遂憤鬱成疾避地江南甲申五月  
聞北都陷痛哭數日不食死湖口友人劉湘客經紀  
其喪

### 入京時詩

從來趙括易言兵寇盜於今盡據城  
幾點烽煙銷漢鼎萬家風雨泣長平  
將軍格鬪徒持戟文士空談欲噉名  
密邇晉陽憂不細誰能先立亞夫營

### 凌駟一首

駟字龍翰休甯人崇禎癸未進士除兵部主事福王  
立授浙江道御史巡按山東改河南大兵下歸德  
自縊死

偕陳涉江訪劉伯宗以詩見贈用韻奉答

觸途得坎壈境  
心自休長安  
寡知交鍵關絕  
繁稠北騎便  
橋南敢代墨者  
憂一聲驚碎琴  
舊友來相儔  
顏色照青松  
志合以不謀  
聞聲懷徵君  
天祿方校讐  
出處卜安危  
元勳疊相求  
乘軒來燕都  
風雲會於留  
仰止兩君子  
雙鳳儀青邱  
啾啾聚紫庭  
胡爲雜鵠鷗  
溫然服德音  
襤裂增重裘

明詩紀事

貴陽陳 田輯

辛齋

何騰蛟 一首

騰蛟字雲從黎平五開衛人天啟辛酉舉人除榆次  
教諭遷介休知縣改汾陽南陽徵授兵部主事歷員  
外郎中出爲懷來兵備僉事改山西口北道以憂歸  
起淮徐兵備僉事擢右僉都御史巡撫湖廣福王時  
拜兵部侍郎兼撫湖南以故官總督湖廣四川雲南  
貴州廣西軍務唐王立拜東閣大學士兼兵部尙書  
封定興伯永明王立進武英殿大學士加太子太保

再加太師進爵爲侯 大清兵下湘潭被執不屈死

贈中湘王諡文烈乾隆中 賜諡忠誠

張應詔圖園集文信國公宋末竭力盡忠輔三王險阻艱難其時同其  
文烈公明末竭力盡忠輔三王險阻艱難其時同其  
勢相同其志同元執信國公於五坡嶺張宏範曰國亡  
丞相忠孝盡矣能改心以事宋者事今將不失爲宰  
相矣信國公茲然出涕曰國亡不能救爲人臣者死  
有餘罪况敢逃其死而二其心乎國朝執公於湘  
潭遺之書其略曰今天厭於明神器有主尙思收旣  
覆之水然久死之灰棄身不顧而單騎被執心與文  
文山一轍而境遇之艱難倍蓰過之忠貞亮節誰不  
憐枕先生之道盡矣若肯承合天意知命來歸當不  
讓洪承疇之一席也公報書曰某少壯從王運逢屯  
蹇甲申三月自分一死所以苟延至今者思獨汾陽  
後塵也不意志切才疏致滋狼狽負恩辱國臣罪當  
誅尙可苟延人世乎卽墓妻子不敢願頭可斷心可  
剖先王先公實式憑之不爲利動不可威劫百鍊之  
剛又自相同信國公過金陵詩曰盡瘁未能時已逝  
年鵲血染宗周其慷慨悲歌也無乎不同

述懷

列祖艱難業諸臣敗亂重揭竿何太夥制梃竟誰從國是成  
剜肉軍謀競養癰劇慚心力竭無計埽羣凶

瞿式耜一首

式耜字起田常熟人侍郎景福孫萬厯丙辰進士除  
承豐知縣改江陵未赴擢戶科給事中坐事下獄贖  
徒福王時起應天府丞以右僉都御史巡撫廣西唐  
王立擢兵部侍郎不赴永明王立進吏部侍郎東閣  
大學士留守桂林進文淵閣大學士兼兵部尙書封  
臨桂伯 大清兵下桂林死之贈少師建極殿大學  
士吏部尙書粵國公諡文忠乾隆中 賜諡忠宣有

集

崇禎忠節錄羅公受命時門下士吳江楊藝字二癡  
者衣衰經號哭於營中見文武將吏卽叩頭請收葬  
凡二日聞者感動令備棺衾殮焉常熟馮班有過臨  
桂伯墓下詩云馬鬣悠悠宿草新賢人聞道作明神  
昭君怨氣萇弘血帶雨和煙又一春  
梅村詩話稼軒爲給事中好直諫爲權相所訐與其  
師錢宗伯同罷歸築室於虞山之下曰東臯極遊觀  
之勝酷嗜石田翁畫購得數百卷爲耕石軒藏之未  
幾里中兒輩文誣染借宗伯逮就獄余時在京師所  
謂東臯草堂歌者贈稼軒於請室也後數年余再至  
東臯則稼軒倡義粵西其子伯升門戶是懼故山別  
墅皆榛蕪斥賣無復向日之觀余爲作後東臯草堂  
歌蓋傷之也又二年知稼軒以相國留守桂林城陷  
不屈與張別山俱死別山者江陵人故相國文忠公  
曾孫諱同敞爲督師司馬稼軒臨難遺表曰庚寅十  
一月初五日聞警開國公趙印選移營先去衛國公  
胡一清甯遠伯王永祚綬甯伯蒲縵武陵侯楊國棟  
甯武伯馬養麟盡室而行唯督臣張從廠從江東泖  
水過江相期同死其赴義則閏十一月之十七日也  
梟囚一月兩人從容倡和稼軒得詩八首曰二祖江



山人盡擲四年精血我偏傷又曰願作須臾階下鬼  
何妨慷慨殿中狂別山和章云校校瘦骨不成眠  
德君恩四十年腰膝尚存堪作鬼死生有數肯呼天  
又云白刃臨頭惟一笑青天在上任人狂又云亡家  
骨肉添新鬼多難師生共哭聲又云此地骨原堪朽  
腐他時魂不待招尋二公死有舊稿給事中後出家號  
性因者收其骨義士楊碩輔藏其稿稼軒孫昌文問  
關以歸以其詩與表刻之吳中爲浩氣吟云別山死  
事最烈其未死也受拷掠兩臂俱折目睛出語不爲  
撓稼軒有初六日記事詩云文山當日猶長掛堪笑  
狂生禮太疏別山和云臂先頭斷生堪股身爲城亡  
計豈疏銜木焉知舌在否傷睛自笑眼多餘此其被  
刑事也稼軒以義命自處從容整暇詩云死豈求名  
地吾當立命觀又自艾曰七尺不隨城共殉羞顏何  
以見中湘蓋指何公騰蛟以殉難封中湘王也若兩  
公者真可謂殺身成仁者矣

### 獄中

年逾六十復奚求多難頻經渾不愁劫運千年彈指到綱常  
萬古一身留欲堅道力憑魔力何事倖囚學楚囚了卻人間

生死業黃冠莫擬故鄉遊

張同儔一首

同儔字別山江陵人大學士居正曾孫崇禎中以蔭授中書舍人唐王時改指揮僉事永明王立拜侍讀學士改尙寶卿擢兵部侍郎總督諸路軍務大兵下桂林被執不屈死乾隆中賜諡忠烈有純忠堂

集

自訣

殷頑錄張同儔江陵相居正曾孫蔭中書舍人令往雲南調兵兵至江西而國變永明王時累擢兵部侍郎總督衡永兵庚寅冬大兵圍桂林同儔自靈川赴桂調留守瞿式耜曰事迫矣將奈何式耜曰封疆之臣當死封疆同儔曰君恩斷敝當共之敝式耜門人也明日同就執十一月同戮於城北風洞山下

一月悲歌待此時成仁取義有天知衣冠不改生前制名姓  
空留死後詩破碎山河休葬骨顛連君父未舒眉魂兮莫指  
歸鄉路直往諸陵拜舊碑

郭之奇

四首

之奇字仲常揭陽人崇禎戊辰進士選庶吉士改禮  
部主事歷郎中出爲福建參議桂王時授文淵閣大  
學士吏兵二部尙書被執至廣西省城不屈死乾隆  
中賜諡忠節有宛在堂集三十四卷

舟暮對秋山有感

清溪含素秋蕩漾令人愁如何碧山色蕭條對此流霜葉飛  
斜照疏煙縈晚洲日暮不自聊蟬蛄鳴啾啾

舟夜彈琴

舟宿寄幽林難了清夜心冥神外喧寂發我靜中音遂然林  
月開滅燭光已臨曲罷歸煙水浦激各淒深

春閨

池前君栽柳君去碧絲長不解留君住偏能斷妾腸

拾陸就汀州喜見家鄉在即

青山頻過不知名但憶鄉關此送迎昨夜歸魂先識路秋風  
吹向綠榕城

范文光一首

文光字仲闇內江人天啟舉人歷官工部主事  
南戶部員外告歸張獻忠寇蜀舉義兵奉鎮國將軍

朱平棚爲蜀王除副使監軍永明王立拜右僉都御史巡撫川南 大清兵克嘉定仰藥死乾隆中 賜諡忠節有石鼓山房詩集我眉集

我眉山萬年寺送費此度往榮經省親

敝衣猶賸老萊斑負米雖歸不是還世到亂時都作客途當險處更閒關幾年草檄伸孤憤累月移家近百蠻瓦屋我眉俱歷遍滿頭風雪當遊山

揭重熙 一首

重熙字祝萬臨川人崇禎丁丑以五經成進士除福甯知州福王時擢吏部主事唐王立遷員外兼兵科給事中擢右僉都御史桂王立拜兵部尙書兼右副

都御史總督江西戰敗被執不屈死乾隆中賜諡

忠烈有蒿菴集

勝朝殉節諸臣錄重熙事唐桂二王屢率兵攻撫州  
邵武不克為大兵襲執送建甯不屈受戮  
靜志居詩話洪武庚午應天鄉試長泰黃文史以作  
全場五經題領解道天啟甲子鄉試龍溪顏公茂猷亦作  
五經題膳錄官惜其才而嫌其違制止膳四子書義  
三篇易義四篇以入同考官祁公彪佳取之既放榜  
始知為五經也崇禎甲戌會試以知貢舉林公紆言  
士子有作五經全題者得俱勝進允之於是顏公中  
式禮部刊會試錄特旨命題顏公姓名於第一  
青之前蓋異典也至十年丁丑則臨川揭公重熙十  
六年癸未則嘉興譚公貞良慈谿馮公元颺武鄉趙  
公天麒皆以五經舉鄉會試又萊陽宋公昉十二年  
己卯亦以五經中山東鄉試此科場盛事也

仙人石

仙人何處去空有仙人跡時一聞笙簫玄雲來絕壁

李含乙 一首

含乙字東生渠人崇禎甲戌進士除高郵知州遷禮部主事告歸張獻忠寇蜀死之乾隆中 賜諡忠烈

有秦郵草

劍閣芳華集東生乞假歸里值張獻忠據蜀僞令某索之急赴水拯起不屈縶於獄邑人攻殺僞令東生後與賊戰死

晚發海陵至江都

日落孤舟發漁歌極浦聞江光涼泛月山色晚含雲喚渡歸人急揚帆估客勤繁華今古夢惆悵杜司勳

梁若衡 一首

若衡字簡臣廣州順德人崇禎庚午舉人壬午特用

辛籤卷九

六

進士除永福知縣遷左州知州不赴 大清兵下廣  
州與陳子壯謀舉兵事洩被執死乾隆中 賜諡節  
愍

旅次

經秋書劍半江湖楚水吳山問去途十載煙霜餘夢寐朔風  
吹雁斷菰蘆

鄜鴻一首

鴻字劇孟南海人中書舍人露子贈錦衣千戶

廣東詩粹劇孟少負才不羈能詩善擊劍丙戌之變  
率北山義旅千餘戰於廣州東郊死之贈錦衣千戶

關山月

關山一片月秋色夜初闌影入湖天冷光流隴水寒暫同兵



氣白翻與角聲殘辛苦樓闌戍多因掩淚看

朱寶蓮一首

寶蓮字子潔南海人天啟辛酉舉人官刑部主事

大清兵入粵攝高明縣事城陷死之乾隆中賜諡  
烈愍有積雪軒集

樵陽雜詠

行行谿路采芳荃古木千章落照邊雲裏輶輪聲不斷幾家  
齊汲九龍泉

邱懋樸一首

懋樸字若木新添衛人庶子禾寶子崇禎癸酉舉人  
除徐聞知縣累遷湖廣僉事大清兵入楚城陷死

之康熙中贈太僕卿乾隆中賜諡節愍

田按節愍弟懋素崇禎庚午舉人歷官南陽知府崇禎八年李自成再陷南陽懋素罵賊不屈闔門被害屍陳野外烏鵲環繞數日不散士人異之累塚立石以表其烈弟兄先後死國世以此顏氏泉卿真卿無多讓焉

送寶華上人遊雞足山

莫更參禪莫掩關  
饑時喫飯倦時還  
名山不在雲深處  
祇在吾師錫杖間

鄔昌期一首

昌期字■都勻人以貢選廣西知縣桂王立遷柳

州同知擢湖廣道御史以言事廷杖除名尋復官改河南道掌六科從王入緬遇害乾隆中賜諡節愍

田按節懸隨桂王入緬君臣草次結茅以居緬酋進米給從官常不得飽鵠面藍縷無人色暨緬酋逼王官呪水駟死者四十二人節懸其一也哀哉

讀郭青螺黔書烈女傳六首 錄一

有夫十四歸囹圄早判單棲了此身不是郎中鄉潤甫妾身  
那得暫分明

黔詩紀略五開衛舍人王言妻袁氏百戶傑女幼許字言嘉靖五年言年才十四父指揮以侵餉逃亡逮言監追久之產盡遺書袁父母令改適氏誓死不從四十一年恤部鄧郎中兩憫之暫縱言歸完娶甫二月言復就獄隆慶三年度死袁守節如初御史雷稽古上其事有旨免殯旌表復其家

馬士升 一首

士升字 貴州衛人諸生流賊入黔被執罵賊死

乾隆中入祀忠義祠

黔詩紀略士升父文卿字瑞符萬厯進士選庶吉士  
擢御史巡按廣東以薦直忤當道左官遂不赴銓家  
居杜門數十年乃卒士升承乃父之恬退清風勁節  
光耀里閭而其從昆弟士英乃千進試國黃口亦羞  
道之苦澆一家之中而薰猶不同器乃如此惠趾耕  
壟真不可解也

### 時事

時事已如此杞憂將奈何可憐蒿作柱豈止鏡爲荷屏跡青  
山淺逢人白眼多此身無著處行坐一悲歌

### 蔣勸善一首

勸善字夢范一字小范威清衛人萬厯乙卯舉人除  
孟津知縣遷河間同知請告家居孫可望寇黔被執  
死之乾隆中 賜諡節愍有秦遊草義石齋集

黔詩紀略節愍弱冠舉萬厯四十三年鄉試主司竟  
陵鍾惺尤賞異於諸生選孟津知縣清苦自持請錫

民間通賦萬餘金縣人得蘇息遷河間同知不善逢  
迎與當道左拂衣歸臥林下者二十餘年丁亥流寇  
入黔被執不屈死節感歸田時年才逾壯力以提唱  
風雅自肩吳滋大求蔣夢范先生遺稿詩云囊空惟  
有句筆妙總無塵大力全歸漢奇文半燼秦一篇存  
氣韻萬古鑒艱辛其詩格之高可見又云我嘗登大  
雅誼復忝周親書籍曾云付精光豈盡泯是茲大又  
咸誼從之遊潘士雅集中有春興及長安秋吟各三  
十首俱云和夢范先生韻是士雅當亦其弟子滋大  
詩又云遺草非封禪佳兒可負薪則其子亦能承家  
學今秦遊草峩石齋集俱不可見子亦不知誰某當  
更訪之

### 鋤園

獨向荒園把一鋤  
菜根爛煮月初正  
須盡摘芭蕉葉好做  
顏家乞米書

### 譚先哲一首

先哲字光美平壩衛人萬歷壬子舉人累官戶部郎

中請告家居孫可望寇黔被執死之乾隆中賜諡

烈愍

黔詩紀略甲申明亡福唐桂三藩相繼稱號貴州尙  
未入大清版圖流賊張獻忠屠蜀人幾盡漸及其  
兵將適獻忠中流矢死其將孫可望率其衆破遵義  
入據貴陽威清平壩龍里新添之間殺戮無算攻定  
番州陷之大清兵西征至遵義可望屠貴陽西遁  
入滇伏屍千里雞犬無聲光美聞賊逼境率衆走保  
衛東長沖團賊大至度眾寡不敵率家人南向拜承  
恩君囑指血書寄弟先召國破光美及妻劉被執罵  
賊不屈遇害舉家同殉焉惟子瑄在美及先召所得不死  
光美屍與劉屍相枕藉月餘顏色不變其弟先召合  
葬之衛西蝦蟆關側人呼爲雙節墓長沖有石柩今  
猶傳爲光美夫婦臨死時拜闕石也

長沖回寄弟辭

明社已矣何有於黔荒國存我存國亡我亡惟瑄與弟生死  
不見惟弟撫瑄以存一綫嚙指灑血血與淚漣弟乎瑄乎他

日收吾骨於長沖之原

尹思民 一首

思民字■定番州人崇禎時以貢生官上杭知縣  
致仕家居孫可望寇黔陷定番死之乾隆中入祀忠

義祠

城破題壁詩

省會無人守丸城那復論文章難報國軒冕太辜恩妖火連  
山赤腥風拚日昏死如能殺賊糾此萬忠魂

唐誼 一首

誼字正之武陵人考授推官甲申後起義兵保辰龍  
關

登善卷壇

路自攢峯入盤旋邃谷中山深遲見日樹老易驚風梵刹依巖出龍泉與海通塵蹤從此隔未許往來同

謝如珂一首

如珂字鳴玉耒陽人張獻忠陷衡州拒戰死

夢題杜陵集

搖落荒林樹色秋瀟湘江上思悠悠知公時有憑軒淚淒斷天涯故國愁



明詩紀事

貴陽陳田輯

辛鑑

王錫衮一首

錫衮字龍藻祿豐人天啟壬戌進士選庶吉士授檢討歷侍講南國子司業諭德庶子祭酒少詹事拜禮部侍郎進吏部尙書以憂歸唐王立起禮部尙書兼東閣大學士桂王立申前命皆不赴土酋沙定洲作亂執至會城詭草錫衮疏上桂王請以定洲代黔國公鎮雲南疏既行始知錫衮大恨愬上帝祈死數日卒

聖駕臨雍恭紀二首

乍挹方諸水來湘伴沼芹金樞淡華月玉露展蕭辰俎豆三千士都俞十九人公庭看萬舞未許羽衣陳

樸學泉謨古昌言聖主聆硬黃摹獵碣淡墨捧名經胃子濟

歡洽真儒足典型自今隆祀典長照簡編青

詔再臨辟雍於是罷遣閣臣及分獻官時龍虎山真人張應京適在都疏請入監觀禮尙書蔣公德璟暨王公咸持不可駁回十七日王公奉遣祭夕月壇二鼓始詣國子監十八日卯初刻駕自長安左門出由崇文街至成賢街入廟門兩公導帝升階坐御帳內官持金餅金甌金爐者六人天漸明行釋奠禮畢率舞倫堂祭酒南居仁講學陶謨自天敘有典至敬哉有土司業羅大任講易威卦尊命賜茶班自行聖公及閣部共一十九人武班三十人分東西坐帝命禮臣將進士題名碑并石鼓悉摹拓進呈又諭閣臣周程張邵朱六子不當樂置先儒之列乃定議改

稱先賢云是舉也蔣公紀之特詳今節錄以證王公之作

徐孚遠 二首

孚遠字闇公松江華亭人崇禎壬午順天舉人唐王立授福州推官進兵科給事中魯王監國授左僉都御史桂王至滇遙授左副都御史卒於臺灣有幾社

六子詩集交行詩集

陳忠裕集周徐輩六子皆與余同學詩者也其才情雄駿用功深微十倍於余然覽其詩可以涉獨立而

儼古人者人不數篇耳

靜志居詩話先生達齋侍郎之裔太師文貞公族孫與臥子彝仲勒貞輩六人倡幾社於雲間切劘今古文詞傾動海內既而乘桴遠引騎鶴重歸矢詩不多

類有身世之感

鮎埼亭集外編公從亡入閩時島上諸軍盡隸延平王鄭成功延平之少也以肄業入南監嘗欲學詩於公及聞公至親迎之閩中自無餘閑國以來臺澎不

入版圖及鄭氏版疆老成耆德之士皆以避地往歸  
之而公以江左社盟祭酒爲之領袖臺人爭從之遊  
公自歎曰司馬相如入夜郎教盛覽此平世事也而  
吾以亡國之大夫當之傷何如矣至今臺人語及公  
輒加額曰偉人也嗚呼明季海外諸公流離窮島不  
食周粟以死蓋又古來列難之一變局也幾社殉難  
者四夏陳何三公死於二十年之前公死於二十年  
之後九原相見不害其爲白首同歸也  
松風餘韻先生與陳夏諸君爲幾社盟主乃王中父  
選幾社六子詩外罕有存者豈身蹈東海盡問諸水  
濱乎佳句如君子行秋風多辭葉激波無安鱗悲哉  
行壯心不在骨安用千金裝古詩詠懷浮雲不盈掌  
白日爲之陰江南曲皓腕約錦帆笑狎輕煙裏咏史  
黃金生羽翼癡瘡安足論田家詩涼風帶曙星夕陽  
接煙火秋行雜詠路入蒹葭細江從草樹低雪後渡  
浦雨餘潮氣白燒盡草根青何可多得

### 梅南草廬

日暮南園色孤亭萬木中落花時渡水怪鳥急呼風人靜蜂  
聲出巖深草氣通惟餘高閣恨猶是掩殘紅

舟行諸大澤書所見

蓼花初起白蘋齊行到荒村古墓西樹裏雲深疑渡鶴湖中  
日午不聞雞蒼蒼野廟飄殘瓦白白圩田覆淺泥過客莫愁  
頻失路近前猶颺酒旗低

路振飛一首

振飛字見白曲周人天啟乙丑進士除涇陽知縣徵  
授御史以事謫河南按察使司檢校入爲上林丞屢  
遷光祿少卿擢右僉都御史總督漕運巡撫淮陽加  
右副都御史唐王立拜左都御史加太子太保遷吏  
部尙書兼文淵閣大學士汀州破走居海島赴桂王  
召卒於途贈太傅諡文貞

重陽後一日步韻

勝日登臨望楚南一天風雨隱浮嵐酒逢佳客頻移坐憂到  
關心屢罷談客散鶴雛呼引徑醉餘叢菊倚清酣光陰易逝  
行難滯待到明朝日又三

堵脣錫 一首

脣錫字仲緘無錫人崇禎丁丑進士除南戶部主事  
長沙知府福王時遷湖廣參政唐王立拜右副都御  
史巡撫湖北進兵部侍郎總制諸軍桂王立進本部  
尙書兼東閣大學士封光化伯卒於潯州贈潯國公  
諡文忠

田按牧遊身丁明季支持殘局所部軍士皆叛將降  
卒驕橫不受約束崎嶇盡瘁以死雖規爲未盡合宜

然其志亦苦矣

宿菰川僑居有感

湖山不改舊風流萬頃波光照荻洲  
聽我好吟當日句懷人芳草積天愁  
半生蕉葉難爲夢一樹梧桐忽到秋  
大笑開言原不易傾尊莫負故人留

章曠 三首

曠字于野松江華亭人崇禎丁丑進士授沔陽州知  
州擢湖廣僉事遷副使福王時進五省監軍唐王立  
擢太僕卿遷右僉都御史提督軍務桂王時進兵部  
侍郎再進尙書加太子少保武英殿大學士卒於永  
州諡文毅贈華亭伯有詩集一卷

王夫之永歷實錄何騰蛟開府堵胤錫解學政勒王  
傅上瑞久攝巡下湖南均與諸帥周旋章曠屢革削  
望尤輕諸軍帥不知有曠及受監軍之命從胥隸數  
十人輕舸東下做中葛衫與諸將相見流涕握手推  
心盡慮與謀興復諸將皆感動時將竊兵驕不知節  
制王進才郝永忠尤以新附猜暴大掠巴湘間曠既  
得諸將心申約束斬錐如法諸軍乃斂手聽命隆武  
二年將清大舉從間道窺湘陰曠禦於潼溪自江南  
用兵以來與清兵合戰仍得捷者自曠潼溪之戰  
始錢邦芭集章華亭與督師何公總督堵公戮力三楚  
思挽天命於既去之後難之難矣章公最得將士心  
朝暮與同甘苦故能悉知其難否情偽而駕馭之是  
以樂為之用而不取欺何公雖秉重權實倚章為重  
凡內外兵事皆稟章策何受成而已芭時徵兵入川  
與諸公聲勢相倚後聞章公沒於行間知楚事必壞  
輒徬徨失措未幾何果以失助不支竟用身殉  
南賓漫記河山無地求弓劍臣子何心飽稻秣滅絕  
耳根猶有恨破除心事倍多情章公毅公守湘陰時  
伯也見之巴陵李天玉扇頭天玉公門人攝臨武令  
城陷死之  
田按明季朝廷水火以至於亡至章公支持殘局安



韓楚北京山楊文薦曲周路振飛皆一時名臣與章  
爲難幾誤大局君子與君子相匹真不可解惟何公  
雲從深相委任暨公病卒而一敗不復振矣

### 別張子建

秋氣日以悲大路日以昏行行昧所止居者出無門去年子  
先去今年子獨存高車荒惻惻子甯無所言攬袂不能盡夢  
與淚俱吞人生努力別數載安足論

### 雜興

道路自遼闊山川繚結之僕人金錦佩邸市紫霞卮水氣連  
荷味蟬聲切樹枝小憩心魄悅杳杳更何期

### 九日病中

物慘雲愁又節辰兀然天地大江濱愛親燈火尋鄉夢強插

菜萸感客身風雨不多登覽廢愁思無厭酒杯頻年年此會  
皆山水臥病蕭齋羨健人

李長祥一首

長祥字研齋蓬州人崇禎癸未進士選庶吉士福王  
時改監察御史魯王監國以右僉都御史督師加兵  
部侍郎有問閣集四卷

結埼亭集外編研齋喜言兵獻賊從橫蜀中研齋練  
鄉勇躬環甲冑以助城守自癸酉至壬午賊中皆知  
有研齋名癸未選庶常時沈自彰任吏部方蒙上眷  
薦之謂當援劉之綸之例破格不次用之使備督師  
之選或問之曰天子若果用公督師計將安出研齋  
歎曰不見孫白谷往事乎今惟有請便宜行事屏邸  
鈔不寓目卽有金牌亦不受進止待平賊後囚首闕  
下以受斧鉞耳聞者吐舌而同里井研爲首輔欲引  
之爲私人研齋不可故不得召見賊且日伺研齋上  
疏請急調甯遠鎮臣吳三桂以兵拒戰都城下有新

進士袁疆者具將才可令輔之而令密雲鎮臣唐通  
與臣從太行入太原厯甯武雁門攻其後首尾夾擊  
賊可擒也思宗下其議未定密雲帥已至詭請守居  
庸關則放賊至抵昌平侍郎上疏請急令大臣輔太  
子出鎮津門以提調勤王兵皆不果行而京師潰南  
奔改御史而南中又潰起兵浙東監國又加僉都御  
史督師西行而七條沙之師大潰研齋以餘眾結寨  
上虞之東山與張翰林煌言王職方翊且屯且耕監  
軍華夏者鄧人爲聯絡布置請引翁洲之兵連大蘭  
諸寨以定鄧慈五縣僉議奉攻東山中軍汪彙者已  
受之謝三賓告之期大兵急攻入獻有與汪共事者曰  
奈何殺大兵指爲間期研齋乃匿丐人舟入紹興城又遁  
至甯之奉化依平西伯王朝先朝先朝亦蜀人復合眾  
於夏蓋山入朝監國請合朝先之眾聯絡沿海以爲  
翁洲衛張名振不喜襲殺朝先研齋謹而免翁洲又  
潰亡命江淮間總督陳公錦得之京口都統金礪巡  
道沈潤力主殺之陳獨不可釋之乃居山陰澗谷中  
尋遊錢塘大吏終以爲不可測安置江甯總督馬公  
陽祖之而終疑之曰是子然者誰保之研齋微聞之  
時江南有閩秀日鍾山秀才者善墨竹容色絕世乃  
娶之總督私謂人曰李公有所戀矣未幾乘守者之

怠竟去由吳門渡秦郵走河北遍歷宣府大同復南  
下百粵與屈大均處者久之天下大定始居毘陵築  
讀易臺以老焉

### 秋懷

江上烽煙正暮秋石城涼雨入高樓金山雲暗天方醉滄海  
星飛水自流白下露催園菊老紅橋風送井梧愁老夫起舞  
恆通夕不待荒雞已白頭

### 戴重

十首

重字敬夫和州人貢生召試第一除湖州推官大  
兵下湖州起兵復城戰敗中箭洞腹走鸞阿山中創  
發死有陟岵吹簫鍾山橫望姑谿陶窰石臼茗雪間  
北山師陶等集

蓮鬢閑集敬夫詩磊落孤憤凡所為流離顛沛國難  
家愁與夫鬼號燹燹天荒地沸之景森森炯炯在人

目中

劉城嶧桐集敬夫有古學敦行誼不苟同俗余與交  
十餘年道義相劇如一日乙酉四月挈余同避兵轉  
徙至湖州余歸而敬夫有所事遂中箭洞腹乃薙髮

為僧卒以創死

張自烈芭山集敬夫詩感時諷俗為多以視西臺慟

哭與世同揆

湖錄重有北山集中有憶在吳興七律悲歌感慨情

見乎詞

感舊集補傳敬夫甲申後遯迹河邨嘗絕粒不死臨

終作絕命詞秦淵泉大士記其二云平生不願垂床

死今日甯知死臥床試是便宜鬼女子不將馬革走

沙場古人詩癖兼吟與只須梅花又菊花兒孫能種

盈谿壑春雪秋霜纔是家

自靖錄戴重同諸生韓縉祖王光祉布衣金有鑑等

起兵太湖復湖州府城及兵敗箭洞腰脇賦絕命詞

云河村柳樹碧如煙父老留根三百年也移幾檝盤

泉石候到春深巢杜鵑前年三月十九日與客登山

披髮號選得山空人絕處好挑山菜酌溪瓢難言五

月傷心事九鼎云亡又未知莫翦孝陵陵上柏童童

萬壑倚天枝  
田按敬夫詩心苦語硬師陶一集稍覺和平而艱苦之音彌復滿紙是以柴桑心事爲西山痛哭者

### 學歸田園居

以下四首和陶

余從先父自河邨入城二十餘年矣舊歲狼狽率母復歸焉輒行役去不獲晨昏者又將一年今乃退息省罪於此時從諸父兄視田園永言以歎

父兄授經史遂不事南陌復然歸故田徒倚意不適春秋疾以周朝不謀終夕寒風淒人心修身貴無隙拙耕未免餒俗學人所役伊召亦固窮乃有殷周績苟不自黽勉三歎復何益

### 學和劉柴桑

石頭城春上

西山石頭城獨行且躊躇未慣操南音不敢從羣居高豐從  
橫出細竹迷卑廬大江城下流東山城中墟春郊懷老農終  
身事菑畬何爲狹邪子醉飽還言劬苦樂雖殊已復化爲  
無一身有齒髮與我迭親疏黃鳥東南飛長松立斯須蚤齒  
遊京城壯歲良不如

學責子

四方遂多事虛名以亡實干戈不祥器將復易刀筆總角憐  
汝小起慮無嘉匹貧賤不能守富貴豈有術汝父壯已老十  
策失其七况才不父若履冰愼栗栗昨遊在鄉里所遇多異  
物

學詠貧士

天地高以博馮生羣依依風雨爲寒暄日星爲陰暉秋草各  
垂實春禽相奮飛斯人邈無求朝出暮言歸衣食恆不足未  
嘗知寒飢時俗事富貴冲冲心孔悲

始至姑谿假憩逆旅作苦寒

老骨山澤癯入市畏且慙腰彊不能屈舌鳴不能吟乃與屠  
酤兒叉手相二三邱木在江北藏書棄山南羣盜破我家食  
苦以爲甘鬢髮盈尺髮冬落不可簪室亡提甕妻牀留覓粟  
男秋風一頃豆聚噉餘幾飢低頭傍人戶梶車聽喃喃蝸牛  
背負廬書壁自爲耽玄螭銜厥卵封沙不云貪所求僅容膝  
旬日無所堪暮寒朔雲急白霰長鬢鬢裹飯無我吁解衣臥



一舁小兒未解事，搗蠱時親譚痴女。那敢唳僵曲如冷蠶，北風自惻惻。長夜自潭潭，幽夢千里飛騏驎。安足驂從橫，意未已。鷗起城鐘餽，賴有匣中劍，拔舞蔽其鏹。左迴大江流，右拂青山嵐。自非履難危，世事且弗諳。

釣魚臺

青山殘白骨，西日到東谿。石白魚來少，天門雁去低。梅花開始折，藜飯裹誰攜。共說東風好，窮年客未栖。

不雨

獨夜瞻雲漢，褰裳涕泣然。山東且羣盜，江北況無年。母老危巢破，交貧舊榻穿。可憐今日事，但覺古人賢。

送劉伯宗應徵

矯首窺塵海，抽思在遠天。書生多好武，廟算亦求賢。願牧年  
猶壯，伊姜事偶然。含窗秋浦月，未許抱經眠。

南京客舍

十載蕭條折角巾，只隨短髮走風塵。壯遊客散詩名廢，儉歲  
兒飢斗酒貧。銅井江邊鴉聚雪，瓦棺閣外柳迎春。閒愁已足  
消長夜，況說黃河虜騎頻。

歸石曰

雞籠山北孤雲客，石臼湖東近水家。到處結巢同燕子，逐年  
種樹是桃花。

錢邦芭 三首

邦芭字開少丹，徒人崇禎諸生。唐王稱號除御史，桂

王時遷副都御史巡撫貴州孫可望入貴陽棄官削髮為僧號大錯

萬鄉贊筆偽秦王孫可望雖陽奉永歷誅殺任意一時廷臣皆收為腹心有禮部主事方于宣者擢編修詔事尤甚為可望撰國史一書稱張獻忠為太祖作太祖本紀比崇禎帝為桀紂又為制天子鹵簿定朝儀言帝星明於井度上書勸進後可望為李定國所敗投歸本朝于宣自知禍及時有錢中丞邦芭者守死抗節為人心所歸方馳書於錢云欲糾集義旅截擒可望以報國邦芭得書大笑答以一絕云修史當年筆削餘帝星井度竟成虛秦宮火後收圖籍猶見君家勸進書未幾縛至滇竟得逃死黔詩紀畧錢邦芭字開少福唐桂三藩稱號時由中翰歷都憲桂自粵移安龍開少為黔撫孫可望入黔自置官屬遂退居餘慶縣之蒲村避焉開少又闢柳湖於村之他山下自號他山湖大可百畝中有七十

湖舊居爲大錯菴蒲村舊居爲小年菴小年其視髮  
處曾居數畝更名知非菴故又號知非居  
土永明亡又居眞之雞足山久之走衡嶽終老

### 還山

忽然出城郭遂見無數山散步隨雲適輕身趁鳥還遙知隱  
淪者待我泉石間乘月浩歌去柴門應未關

### 野寺

野寺雖荒僻祇園在此間栖禪雙樹老洗盃一身閒佛古燈  
常寂鐘殘鶴未還經過塵慮淨何必掩松關

### 晚步盃盃菴

泉聲何處急落葉滿溪梁燈影明虛殿松陰冷石床茶煙山  
翠合花雨屐痕香回首歸鴉亂千峯遞夕陽